

iisdem modis, quibus dominium rei alienæ acquiritur.

Cuius rei *usus* non est sine *abuso*, illius §. 2. non *verus*, sed *quasi vusfructus* datur, accedente *cautione*.

Cautio enim ex re consumptibili facit non consumptibilem.

Particula *quasi* in iure nostro inuoluit *identitatem iuris*, sed denotat *diuersitatem* seu *improprietatem obiecti*.

Vsusfructus, quia personæ cohæret, *mor-* §. 3. *te* extinguitur.

Quæ ex sua natura non sunt transitoria ad heredes, illa, si heredum facta mentio, cum primo herede exspirant *L. Antiquitas 14. C. de Vsfufr.*

Tollitur porro vsusfructus, *non vtendo*, vel *male vtendo*, *cedendo*, seu *abdicando*, rei *interitu*, & *consolidatione*, si proprietas & vsusfructus in eadem persona conueniant.

Omnia iura realia non vtendo 10. annis præscribuntur. *L. 1. ff. de Nund.*

TIT. V.

De

VSV ET HABITATIONE.

VSVS est ius alienis rebus vtendi *ad ne-* Pr. *cessaria vite subsidia*, salua earum substantia.

Quibus modis *vsusfructus* constituitur & finitur, iisdem modis etiam *Vsus*.

D 4

Vsus